

समां - 12:25 hrs.

[illegible]

एह आकाशवाणी जम्मू ऐ, हुन तुस जगमोहन शर्मा कोला खबरां सुनो:-

<><><><><><>

IFFJK -2026

जम्मू-कश्मीर अपने पैहले-पैहले अंतराष्ट्रीय फिल्म उत्सव दी मेजबानी लेई पूरी चाली तयार ऐ। 7 सितम्बर थमां लेइयै 10 सितम्बर 2026 तगर चलने आहले चंऊ दिनें दे इस उत्सव च दस्सने लेई 41 बक्ख-बक्ख मुख्यें दियां 135 फिल्मां तालियां गेदियां न। जम्मू-कश्मीर च आयोजित कीते जा'रदे इस सतह दे पैहले-पैहले फिल्मोत्सव दा मुख्य आकर्षक प्रस्तावित 96 लक्ख रपे दी कुल इनामी रकम ऐ जेहड़ी 9 बक्ख-बक्ख फिल्म निर्माण श्रेणियें च बंडी जाहग। बेहतरीन फिल्म गी सब्भनें शा मता 25 लक्ख रपे दा इनाम दिता जाहग- जिसलै कि बेहतरीन फिल्म निर्देशन ते कुसै निदेशक दी पैहली फिल्म लेई 15-15 लक्ख रपे दिते जाहगंन। इस फिल्मोत्सव च विशेष तौरा पर क्षेत्रीय फिल्में ते जम्मू-कश्मीर दी बेहतरीन फिल्म गी बी 10 लक्ख रपे दा इनाम दिता जाहग।

<><><><><><>

IFFJK Jury

जम्मू-कश्मीर सरकार दे सूचना ते जन-सम्पर्क विभाग ने पैहले अंतराष्ट्रीय फिल्मोत्सव 2026 लेई 5 मिम्बरी निर्णायक दल दी घोषणा करी दिती ऐ। इस निर्णायक दल च भारत

दे मशहूर फिल्म निर्माता- एक्टर ते छायाकार संतोष शिवन- ऑस्कर ते बाफटा अवार्ड जिती चुके दे मशहूर साउंड डिजाइनसर रेसुल पूकुट्टी- जर्मनी दियां फिल्म निर्माता- लखारी ते पत्रकार डोरेथी वेन्नर जिंदा फिल्म निर्माण दे क्षेत्र च बड़ा नांs ते योगदान ऐ- जापान दे इक मीडिया उद्यमी- दस्तावेजी फिल्म निर्माता कीको बेंग ते भारत दे मशहूर फिल्म निर्माता शिक्षक ते राष्ट्रीय पुरस्कार जिती चुके दे हिमांशु शेखर खाटूआ शामिल न। एह निर्णायक मंडल गै बक्ख-बक्ख श्रेणियें दियें फिल्में दा मूलांकन करोग।

<><><><><><><>

Srinivas –CSIR IIIM Visit

नीति आयोग दे मिम्बर डाक्टर एम. श्रीनिवास होरें कल CSIR –IIIM श्रीनगर दा दौरा कीता ते उत्थे वैज्ञानिक अनुसंधानें- नमिं काहड़ें- उद्यमता ते इंदे समाजिक असर दा जायजा लैता। अपने दौरे दौरान डाक्टर श्रीनिवास होरें उत्थू दे वैज्ञानिकें- नौजवान- शोधकर्ताएं ते IIIM दी मदद राहे स्टार्ट-अप शुरू करने आहले कन्नै गल्लबात कीती, टकोहदा करियै सेहत दिक्खभाल- तंदरुस्ती दोआइएँ ते इलाज मोआलजे दे क्षेत्र दे स्टार्ट-अप्स कन्नै। संस्थान दे निदेशक डाक्टर ज़बीर अहमद होरें उन्नैगी संस्थान आसेआ कीते जा'रदे कम्मे-कारवाइएँ- अनुसंधान- प्रयोगिकी अनुवाद ते उद्यमता दे क्षेत्र च उपलब्धि ते प्रगति दे बारे च जानकारी सांझी कीती। उन्नै भंग ते होरनें नशीली जड़ी बूटियें दे अनुसंधान दे कम्में च औने आहलियें चुनौतियें गी बी उन्दे नै सांझा कीता। डाक्टर श्रीनिवास होरें संस्थान दे कम्में ते उपलब्धियें लेई सराहना कीती ते यकीन दोआया जे दरपेश दिक्कर्ते-चुनौतियें दा नबेड़ा बनकदे ढंगे नै करी दिता जाहग।

<><><><><><><>

PM Mann ki Baat

प्रधानमंत्री नरेन्द्र मोदी होर कल ऐतवारें बड्डलै 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्नै विचार सांझे करगंन। हर महीने दे खीरले ऐतवारें प्रसारत होने आहले इस कार्यक्रम दी एह 137मीं किशत होग। कार्यक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- सनै डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। आकाशवाणी जम्मू आसेया हिंदी प्रसारण दे बाद एहदा डोगरी भाशा च अनुवाद प्रसारित कीता जाहग।

<><><><><><><>

Ujh Project

कठुआ च उज्ज बहुउद्देशीय परियोजना गी केंई दहाके दे बाद परतियै ब्हाल कीता जा'रदा ऐ- जेहदे कन्नै खिते च लम्मे चिरे सोआ बलगी जा'रदी इस विकास परियोजना दे पूरे होने दी मेद जगी पेदी ऐ। इस परियोजना कन्नै जम्मू-कश्मीर च साम्बा ते कुठआ दे इलावा पंजाब च पठानकोट ते गुरदासपुर च 90,000 हैक्टर राई-बाई आली जिमी दी संचाई दे कन्नो-कन्नी पीने लेई ते होर दुए इस्तेमाल लेई पानी उपलब्ध करोआने आस्तै एह बड़ी कारी दी साबत होने दी मेद ऐ। इस परियोजना दे तैहत इक प्रस्तावित बिजली घर कन्नै इलाके लेई बिजली दी सप्लाई बी यकीनी बनोग। उज्ज बहुउद्देशीय परियोजना

गी चरणबद्ध तरीके कन्नै अमल च आनेया जा'रदा ऐ। एहदे कन्नो-कन्नी लोकें आस्तै कम्म-रोजगार ते आर्थिक विकास लेई बी एह परियोजना बड़ी महत्वपूर्ण ऐ।

<><><><><><><><>

Nangali Sahib –Park

जम्मू-कश्मीर सरकार नै धार्मिक सैलसफा गी बढ़ावा देने दे मकसद कन्नै पुंछ च ऐतिहासक डेरा बाबा नंगाली साहब कश इक बहु पार्क बनाने लेई 2 करोड़ 7 लख रुपे दी मंजूरी देई दिती । इस फैसले दा सुआगत करदे होई DGPC पुंछ दे बैनर हेठ सिक्ख धार्मिक ते समाजी संगठनैं उपराज्यपाल मनोज सिन्हा- मुख्मन्त्री उमर अब्दुल्ला ते हवेली थमां विधायक एजाज जान हुंदा धन्नवाद कीता ऐ। समुदाय दे मिम्बरें आखेआ ऐ जे इस परियोजना कन्नै इलाके गी होर मता सनाकड़ा बनाया जाई सकोग। सैलानीयें ते श्रद्धालुएं लेई स्थूलतें च सुधार होग ते सरहदी जिले च धार्मिक सैलसफा गी बी बढ़ावा थहोग।

<><><><><><><><>

Prog. Announcement

अज्ज राश्ट्री खेड्ढ दिवस दे मौके पर आकाशवाणी दा क्षेत्रीय समाचार एकांश जम्मू इक विशेष चर्चा प्रसारित करने जा'रदा ऐ। अज्ज 29 अगस्त गी दपैहरी ढाई बजे प्रसारित होने आहले 30एं मिंटें दे इस कार्यक्रम दा विशे रौहग अगड़े बधदी भारत दी खेड्ढ जातरा। इस कार्यक्रम च स्हाड़े परौह्ने होडन मन्ने-परमन्ने दे पत्रकार ते यू.एन.आई जम्मू दे ब्यूरो चीफ

विशाल भारती, जेहड़े इस विशे पर अपने बचार ते तजुर्बे सांझे करडन। कार्यक्रम दी मेजबानी करडन स्हाड़े न्यूज एंकर विजय बजाज।

<><><><><><><>

JK Weather

मौसम विभाग नै जम्मू-कश्मीर च अगले 10 दिनें तगर आमतौरा पर गर्म ते उमस भरोचै मौसम कन्ने किश थाहरें पर हल्की बरखा बरने दी पेशनगोई कीती दी ऐ। मैहकमे दा आखना ऐ जे अज्जै सोआं लेइयै 30 अगस्त तगर टांवी-टांवी थाहरें पर बड्ड्लै- सवेलै जां दपैहरी”लै गर्ज-चमक कन्ने हल्की बरखा बरी सकदी ऐ ते फही 31 अगस्त ते पैहली सितम्बर गी किश थाहरें पर चानचक्क हाड़ औने ते ल्हास-पस्सियां पौने दी शेंका जाहर कीती ऐ। करसानें गी मौसम सरबन्धी परामर्श गी ध्यानै च रखदे होई गै बाड्डी ते होर दुए राई-बाई सरबन्धी कम्में गी जारी रखने दी सलाह दिती गेई ऐ।

<><><><><><><>